

北洋官報

宮門抄 錄目

上諭
 諭旨
 奏議
 奏議○法部奏核議改良監獄摺△護演晉沈奏模範監獄開辦摺
 奏議○督憲札一件△礦政局詳一件
 文告三則△電報七則△新聞六則
 彙編○四川學務公所權限章程△河南商事裁判所章程
 程△吉林諮議局議案預備會簡章

本局第一百十二期法政學報現已出版

宮門抄

八月十三日 理藩部 廂藍旗值日 錫光 楊士琦 慶蕃謝 賞蔭生 恩 浙江知府崇興謝
 恩 王大貞 伺候 召見 召見軍機 崇興 王大貞 外務部吳士鑑 胡思敬 徐定超 各遞封奏

一件 軍諮處遞封奏二件

上諭

八月十三日內閣奉
 上諭本日補行召見京察一等之農工商部員外郎王大貞著交軍機處記名以道府用欽此

交旨

八月十三日 軍機大臣欽奉
 諭旨度支部奏請派王大臣盤查金銀庫一摺著派訥勒赫陸潤庠欽此

八月初十日經內閣奏 派王大臣驗放分發山東試用同知許成琦集啟阮山西補用直隸州知州連魁湖

南試用直隸州知州朱標廣東試用直隸州知州蕭鍾瑞直隸補用知州包德昌山西補用知州達通湖北補

用知州舒承蔭兩浙試用鹽運副秦聯元山東試用通判何琦豫河試用通判張鼎銘長蘆補用鹽運判楊以

沅直隸試用直隸州州同劉樹聲安徽試用直隸州州同盧殿魁直隸補用知縣慶碩方文光安徽補用知縣石錫瑞
 隸州州同李懷棠張州州同劉樹聲安徽試用直隸州州同盧殿魁直隸補用知縣慶碩方文光安徽補用知縣石錫瑞
 湖南補用知縣余聯輝廣西補用知縣楊朝翼直隸試用知縣莫蘭增陳烈陳大文鄧裕琳安徽補用知縣石錫瑞

樹椿孫世楷陝西試用知縣陳鳳標河南試用知縣蘇士灝浙江試用知縣李鵬元湖南試用知縣戴延儒廣東試用知縣黃巡俞安鳳貴州試用知縣石乃敏長蘆試用鹽大使汪傳濟兩淮試用鹽大使陳履康兩浙試用鹽大使王仁湛王宗禹福建試用鹽大使伍世昌四川試用鹽大使趙申南大學堂畢業分發安徽補用通判姚人鑑山西補用通判陳紹虞李鍾珩甘肅補用通判伍大光浙江補用通判范其顯四川補用通判徐咸泰廣西補用通判劉祖蔭奉天補用知縣趙崇蔭均堪以照例發往保送直隸州知縣陸軍部主事毓麟堪以交部記名以直隸州知州用奏留吏部員外郎世德堪以准其留部奏留奉天補用知縣王勳炯堪以照例用卓異河南通許縣知縣呂耀卿河南洛陽縣知縣熊廷襄均堪以准其卓異加一級仍註冊回任候升十一日覆奏奉旨依議欽此

奏議錄要

法部奏核議御史麥秩嚴奏改良監獄亟宜整飭摺

奏為遵旨議奏事本年六月二十七日軍機大臣欽奉諭旨御史麥秩嚴奏改良監獄亟宜整飭一摺著

法部議奏欽此欽遵鈔出到部臣等竊維東西監獄制度固視為行政之要圖亦實有專門之學問臣部前於光緒三十三年七月議覆修律大臣沈家本奏請改良監獄一摺早已臚舉大綱通行籌辦且於法政學堂附設監獄專科原以儲管理之人才即以立改良之基礎今該御史條擬辦法列為四端大要不越臣等前奏範圍而皆為他日必宜推廣之事謹分別詳晰為我皇上陳之原奏稱獄居叢雜請分罪質年齡身分犯數等項配置監房以杜濡染一節臣等查分居之制固各國所同然分配愈多財政愈繁雖歐美亦窮於位置故今日各國仍兼採雜居分房兩式而以階級制參乎其間我國獄制向未講求其內容之雜糅誠所不免一旦欲求全備程度固難猝及財力亦有未充擬酌照原奏約分三區重罪及犯罪四次以上者為一區輕罪及犯罪三次以下者為一區年齡二十五歲以下及犯輕罪一次者為一區請旨飭下各省督撫飭屬因地制宜其新造者固可仿行即舊有監獄亦可量為分配先立基址徐圖擴充庶罪惡不至流傳而舉辦亦易為力矣原奏又稱罪犯從事各種工藝請飭照受真業混同業官司業等類提倡銷售一節查各國所謂受真業者係由他人担任獄費聽其役使囚徒作工其弊在於失權混同業者係受他人委託令囚徒代造貨物取其工值其弊在於紛擾官司業則承攬官中物品自行籌辦措手較易為益較多惟創辦伊始習藝未精遽望供求相劑尚無把握况集資購料辦物製器動須巨款恐滋賠累臣部年前修建北監附設習藝所頗具條理終以經費太少出貨無多未能大著成效究之三者相較自以官司業一項為宜俟將來各省逐漸擴益加精良擬請旨飭下學部陸軍部凡軍營學堂一切用品先儘管獄官體察情形酌量立約承造此外各項工藝亦准擇該地方合宜者製之庶可收官司交通之益亦足為獄費補助之資矣

原奏又稱候審案犯苦被牽累請明定已決未決兩種分設看守所一節查已決監係羈禁已定罪名之犯未決監係拘留被控提訊之人不特外國有之即中國何獨不然惟外省府廳州縣監凡被告候審人犯多有荷役恫喝需索種種凌虐所稱外羈官店差館候審所名目不一此時特加整飭自宜掃除積習去苛政而惠民除京師各級審判廳設立之看守所責成該管官認真經理應請 旨飭下各省督撫所有地方聽訟衙門一律設立看守所

一區凡被控候審未定罪各人犯皆發交該所如法看管不准絲毫虐待所有從前之外羈差館等項立即裁撤仍由該上司隨時考察母任積久弊生庶痼習可以廓清而良民不至受累矣原奏又稱各省監獄委任非人請以監獄畢業生充補典獄看守長一節查臣部奏設監獄學專科定章一年半畢業正爲需才孔亟造就宜先方憂其學之不成豈有學成而不用此次監獄專科學員一俟畢業期滿應即考列等第分派京外各地方衙門酌量委用臣等伏查監獄制除典獄一員外約分監察工業文牘三科每科科長一員以看守長充之現今各省模範監獄正在提倡用人尙不甚多一省之大拔十得五當無人才缺乏之慮倘將來各府廳州縣監獄均能成立計時各處監獄學畢業生自必相繼而起如仍不敷分布則法政學堂之畢業生擇其品行純良樸實耐勞者亦可參用其牢頭禁卒萬萬無可造就應如原奏概予刪除庶管守可期得人而成法不同虛設矣臣等綜觀該御史所奏大都取則於東西各國查各國之監獄期於遷善中國之監獄主於懲惡積重所趨遂多歧異是以考求獄政允宜更定新章當此籌備立憲之時關係綦重欲推行之盡利內外須表以同情期抉擇之惟精利弊不容於互見功求其實濟事取其易行果能逐漸擴充要不難日臻完備至若奉行不力應如何嚴定考成明示懲戒之處再由臣部妥議章程奏明辦理所有遵 旨議奏緣由理合恭摺具陳伏乞

皇上聖鑒謹 奏宣統元年八月初六日奉 旨依議欽此

護理雲貴總督沈秉堃奏模範監獄竣工擬章開辦摺

奏爲滇省模範監獄修建竣工擬章開辦恭摺具陳仰祈 聖鑒事竊維圖土納罪名周制所以靖亂源弛刑加役作漢法囚之移民性古訓昭垂法良意美近世文明各國其於監獄之制教恤罪囚之方靡不精心研求日趨完善誠以監獄原爲感化罪人之地必施之以教育授之以藝能庶於禁暴之時得收恥格之效前督臣錫良軫念及

此因奏請改建省城監獄以爲通省模範欽奉 硃批著卽切實趕辦俾惠澤早得下逮等因欽此當經督司
欽遵籌辦時臣在臬司任內遵卽會同藩司妥籌的款秉承前督臣就司府縣三監之舊址參考西法重新建築去
歲按察使世增到任復繼續督修計始於光緒三十三年十月成於宣統元年三月當卽飭擬試辦章程遴派典獄
各員於四月初一日遵章開辦謹將一切辦理情形爲我 皇上縷晰陳之一曰地址原有三監舊址係在會垣
西隅因就地改造稍形狹隘特益以附近公地及新購民地計自東至西前寬四十八丈後寬三十九丈五尺自南
至北左直長五十一丈右直長四十八丈此開拓基址之大略也二曰建築建築之法四圍環以高厚之牆牆角各
設一瞭望樓藉資防範圍牆以內依舊有之河道復界以牆分爲內外二區外區之中設獄官事務各室前爲守衛
稽查各室暨消防器存置所左爲守衛會食所右爲官吏炊爨所後爲製出品存儲所又後則浴室廁室在焉內區
設二門門之左右建屋凡四一爲囚人衣食存儲所一爲工業原料存儲所一爲囚人被服存儲所一爲囚人携物
存儲所由二門直入屋凡四重第一重爲各科獄官住室守衛各員住室訊問室囚人接見室第二重之中爲教誨
室足容百六十人上設樓房二層中層爲教授幼年室足容百人以上層爲中央瞭望樓設時鐘及非常報知機以資
警備教誨室之東西設重犯監十二足容四十八人以禁已定死罪及永遠監禁者其又東爲東監又西爲西監仿
日本巢鴨監獄規式形若扇面中爲看守所兼教誨室環教誨室之監房東西各四十八間共足容五百人以禁限
年監禁及軍流徒之未發配並軍流徒之到配者東監以南設閤室十二獨居室四以禁在監不守規則之罪犯又
南爲未決監凡十有四可容七十人以收管未定罪者西監以南設未丁監凡十可容五十人以收未成丁之犯罪
者附設工廠一卽未成丁習藝之所又南設女監十二可容五十人以收犯罪之婦女附婦女工廠及浴室廁室各
一又南設病監十二醫務所一傳染病監六藥室燻蒸室炊所廁室各一第三重爲運動場地方寬十丈第四重設
工廠六十間廠之東西各設廁室多所四重之位置其略如是至監房之內容四面均用厚牆以鐵網鐵桿爲之窗
以鐵包厚木爲之門門皆對列中留八尺寬之通道以便守衛之巡視簷際高於監房二尺五寸開窗以爲通氣透
光之用期適衛生此全監構造之大略也三曰移犯監獄既成所有司府縣舊監男女各囚凡實犯死罪待決及永
遠限年監禁並罪犯習藝所中罰令工作之軍流徒各犯均一概移入其在監習藝之犯如果痛改前非學習有成

卽隨時酌其情罪之重輕分別內結外結奏咨減免以示矜全此移禁罪犯之大略也四曰設員其先司府縣三監係臬司及雲南府知府昆明縣知縣爲有獄官以司獄府經典史爲管獄官現在模範監獄爲省會囚人萃集之所擬改設典獄官一員爲管獄官秩視知縣暫作委員給以薪金俟試辦一年再行定爲官缺奏請試署原設之司獄府經典史一併裁撤惟獄務紛繁非典獄官一人所克兼理暫設總務文書會計工業各科每科設科長科員各一人分任諸務另設守衛一科科長一人守衛長三人專司警衛復設書記生五人教誨師二人醫師一人均以輔典獄官之不逮至有獄官日後審判廳成立自應以提法司專任目前開辦伊始權以雲南府知府爲有獄官所有處分悉照舊例惟司獄府經典史三缺既經裁去凡係補授之員應請歸入裁缺卽用班補用以昭公允其守衛舊法管獄者曰禁卒曰看役管女監者曰女禁卒職役既屬卑下任者多非良民今一律改爲守衛及守衛婦專募身家清白性質純良粗通文義者充之教以淺近之監獄學理及各種規則務期一一見諸實行此分設員役之大略也五曰經費經費之綱目約分爲三一爲建築費共用銀九萬一千五百餘兩一爲開辦費共用銀四千餘兩均由本省籌撥款項開支一爲經常費如員役之薪金膳費守衛者之衣糧罪人之衣被飲食藥物並一切工作成本以及全監之歲修逐一豫算年約需銀二萬零八百兩現將已裁司獄府經典史每年應領之俸廉役食及罪犯習藝所發商生息之公款暨前督臣錫良所撥撫署巡捕各項薪工銀兩悉數提歸是監之用每年約得銀二萬零三百兩不敷之數隨時設法補助無庸另動正款此籌撥經費之大略也六曰課工罪人作工本諸古法旣可免痺癢傷生之苦又可防越思生事之弊故近年部章亦有責令罪犯習藝之文新監旣設有男女工廠卽由藝師察其性質之所近各授一藝如織布縫衣彈花製造銅錫雕刻竹木等項必使各專一業庶幾罪滿出獄不至無以謀生其在監所製貨物卽歸製出品存儲所發售所得價值除提還成本外餘爲純利另款存儲一俟犯人出獄卽視其所習之藝約需本金多少酌量分給俾免窮乏無措此督課工藝之大略也七曰教育今日之罪囚卽昔日之良民昔因失教而汨其善性致犯法而身陷囹圄非於懲儆之中加以訓誨則廉恥之心無由啓發暴戾之習終難滌除故特設教誨各師每於星期及歇工時刻教以改過遷善之道使各潛移默化漸復其固有之良至幼年罪犯並教以小學課程俾之增益智識卒成有用之人餘如日用有度疾疫必診素食鴉片者必給予藥物督令戒斷俾除沈疴此教

育罪囚之大略也八日規則獄務創始一切規章難期精善然綜其大要不外管理衛生教育三事當飭按察使世增督同典獄各員博采各國成法酌擬章程一百四十九條由臣核准試辦兩月以來並隨時考究逐漸增修期於切實可行此酌定規章之大略也臣維改良法律爲憲政最要之端而欲實施文明之法律又以改良監獄爲最要滇省各屬監獄自前督臣到任後疊經嚴飭修改雖未克立臻完善已漸滌從前腐敗之習今省會模範新監旣已竣工開辦各屬當愈增觀感臣自當督同臬司及典獄各官勤慎將事務期化秀爲良仰副 朝廷施仁弼教之至意據雲南按察使世增會同署布政使葉爾愷詳請奏咨前來除將試辦章程暨全監影片咨部查核立案外所有滇省模範監獄竣工開辦情形謹恭摺具陳伏乞 皇上聖鑒訓示謹 奏宣統元年八月初八日奉 硃批該部知道欽此

公牘錄要

督憲端准津浦鐵路大臣咨派員辦理津浦鐵路北段局務札飭司道查照文

爲札飭事准 津浦鐵路大臣徐 沈咨開案查津浦北段總辦李道德順業經奉 旨革職自應遴員接辦以重路政惟本大臣接事伊始業經委派盧守祖華等先行將賬目款項材料結算清楚以憑接收惟頭緒糾紛迄未竣事北段事繁任重總辦一差未便久懸查前督辦大臣奏派南北段總辦成案係由督辦大臣奏准後會同三省督撫委派茲值接替需人之際欲得熟諳路政實能勝任人員實屬不易現在暫行札委前廣東高雷陽道段道書雲候選知府盧守祖華前往北段試辦如果材堪勝任當由本大臣具奏俟奉 旨允准後再行會同貴大臣委派以符成案除咨札委外相應咨會貴大臣查照等因到本大臣准此合行札飭札到即便轉飭津浦鐵路經過各州縣一體查照

直隸礦政調查局詳請分別裁留員司人等文並批

爲詳報事宜統元年七月初一日奉 憲台札開照得天津保定辦理各項要政局所林立自總辦會辦以及提調文案暨在差各委員人數甚多究竟某局共用委員若干司事書役若干某員向辦何事何日到差現在是否在同月支薪水數目若干有無奉委後但支薪水從未到局之員至通局額支若干是否本局開支抑由何處支領亟應

飭查明確以憑察核除分行外合行札飭札到該局即便遵照限文到五日內開具簡明清摺呈送備核毋稍違延切切此札等因奉此當即遵飭將職局人員詳開清摺申報 憲鑒在案竊惟庫帑空虛至今日而已極宜途擁擠以北洋爲尤其各局所現有員司實在辦事者固有其人而旅進旅退之員實居多數此等員司不盡非無用之才徒以無事可辦靡所見長而又戀此薪津姑作苟安之計轉令消磨年力廢棄自甘在財政有糜費之憂在人才有養庸之患轉莫若分別裁留俾留差者益自奮興裁差者另圖進取以仰副 憲台節用愛人之至意茲職道等公同商酌所有職局每日駐局辦事之員擬留文案庶務收支繙譯收發繪圖各一員卽令向來在局之專辦文案兼提調統計官分省試用連同劉洪禧仍辦文案提調統計原差幫文案分省試用縣丞芮鍾琦專辦稽核單照兼庶務原差英文繙譯丁憂補用知府楊蔭椿仍辦繙譯原差收支委員分省候補知縣徐遠仍辦核收稅費兼支發款項原差收發文件卽用知縣朱從仍辦收發原差兼發審員繪圖兼勘礦隨員候選縣丞鄺國英仍辦繪圖隨勘原差以專責成而資熟手此外副勘礦司候選州同唐紹和文案前試用知縣余上達幫文案候選知縣馮紹京差遣候選通判徐芬差遣候選知縣毛志武差遣試用知縣周炳文差遣候選知州陳新銓差遣試用直隸州州判陳苑芬調查礦事候補知府崇凱坐湖調查礦務前貴州下江通判宋澤春司事吳譽化學師英人丁格以上共十二員均從未到局辦事擬請自八月起一律停支薪水連奉 飭裁汰之會辦稽查馬道等新津一併核計每月共節省薪水銀九百二十兩整至房山宛平兩縣礦務收稅委員試用縣丞賀鴻慈司事改幫辦委員謝慶琛曲陽阜平兩縣礦務收稅委員候選知縣馮諤司事李汝霖宣化懷來兩縣礦務收稅委員候補鹽大使董增祿司事劉紹朱臨榆縣礦務收稅委員試用知縣王鴻藻井陘縣礦務收稅委員候補知縣翟肇适以上八員係專辦各分局礦事應仍照常留差職局文件甚多原有司書四名僅敷辦公之用應請勿庸議裁所有職局核議分別裁留人員緣由是否有當理合具文詳請 憲台俯賜查核迅賜批示遵辦實爲公便爲此具呈伏乞 照詳施行須至册者

督憲端 批據詳請將該局員司人等分別裁留具見該道辦事認真不避勞怨至堪佩慰應卽如詳將試用連同劉洪禧仍辦文案提調統計原差試用縣丞芮鍾琦專辦稽核單照兼庶務事宜楊守蔭椿仍辦繙譯原差徐余遠仍辦核收稅費兼支發款項朱令從仍辦收發文件兼發審員鄺縣丞國英仍辦繪圖隨勘以專責任其唐州

同紹和余令上達馮令紹京徐倅芬毛令志武周令炳文陳牧新餘陳州判苑芬崇守凱宋倅澤春吳司事譽化學師英人丁格既均從未到局辦事應照所擬於八月起一律裁停薪水以資撙節至房宛礦務收稅等委員專辦分局事務應仍照常留差除行布政司查照外仰即遵照繳

文告錄要

督憲批示錄要○定縣韓令樹梅稟出力人員請傳諭嘉獎由 批據稟已悉該縣紳董齊心田等辦理警務學堂自治統計諸要政任事實心不辭勞怨應即傳諭嘉獎以示鼓勵仰藩學兩司查照飭知繳○良鄉縣惠令年稟宏恩寺樹款發商生息歸勸學所經費由 批稟單均悉仰提學司查核飭遵繳
藩台牌示○已故候補知縣劉克勤家人呂升稟請回籍路費 已據情札飭清苑縣核明詳辦矣仰該家人呂升遵照即行赴縣聽候辦理飭遵可也須至牌者

直隸全省印花稅務總局白話告示○爲白話曉諭事 照得自從奉 旨籌辦印花稅 去年就把度支部奏

定的稅則章程 詳細出過告示 大概你們百姓們都知道了 現在印花稅票已經部裏造成 於本年六

月初三日頒發到省 按照章程滿扣三個月 自九月初三日起 就一律貼用了 因恐你們不明白這是

怎麼一回事 特細細的講給你們大家聽 你們可知道從前的煙土稅嗎 那煙土稅原是國家的一大宗

進款 爲供著練兵興學的一切費用 現今我們中國禁大煙 去了煙害 這真是中國自強 第一件最

好的事情 你們也該都曉得的 但是有一件事爲難 從此那土藥稅一年少似一年 將來且全數歸於

無有 這練兵興學的一切費用 可從那裡出呢 你們想想 不練兵怎麼保護百姓的身家 不興學怎

麼教育全國的人才 國家因爲辦這些要政費用萬不可少 又沒有別的款項可籌 這纔設法籌辦印花

稅 在百姓大家們身上 取這幾個錢 仍是爲百姓大家身上 辦那些個事 朝廷向來愛民如子

絕不肯加賦擾民 數百年來深仁厚澤 你們都是身受深知的 現在辦這印花稅 你們也要曉得這是

朝廷萬不得已的事情 況說印花稅也是有來歷的 印花稅票的式樣辦法 大致就跟郵政票差不

多 東西各國都有這個規矩 民間因其便易也很信用的 我們中國奉 旨立憲 你們就是立憲的

國民了 國民都有納稅的義務 就納這點稅爲數無多 也是應分的事 並非格外累及你們 仔細想想 國家雖爲興學練兵這般重要事情 舉辦印花稅 還恐辦的不得當苦累百姓 部裏特明定章程 務從寬大 所有一切貨物 都不貼稅 只就契據賬簿憑摺票合同等類 可作證據的文紙 貼稅幾種 於百姓大家們買賣生計 毫不苛累 並且這稅額也很有限 從制錢二十文起嗎 頂多的不過一千元 可見是章程極簡稅數極輕哩 再說還有幾層寬典 各種應貼印花的物件 有按票面錢數的 合制錢十千以上纔貼二十文印花 十千以下免貼的 有按紙面銀數的 算至萬兩以上止貼一千元印花不再加貼的 而且關乎公益善舉的事 所用契據賬簿均不貼 財物成交 在此次定章開辦日期以前 亦都免貼 這全是從寬的辦法了 就是將來貼用印花的事 也極簡便 印花票的種類分三色 有二十文赭黃色的印花 有一百文綠色的印花 有一千文紅色的印花 票面標明錢數都歸商民發賣 你們用的時候 自賣自貼 不經書吏的手 斷沒有訛索騷擾的事情 這豈不是 朝廷格外的體恤嗎 你們大家也應該感激 皇仁 爭先遵辦了 再說這個印花稅 天下通行 我們中國二十省的百姓都是一樣 遇有應貼印花的事情 無論何人 都要遵章納稅的 我們四萬萬兆人民齊心一辦 在各人稅納有限 國家可就積少成多 可以練兵保護百姓的身家 可以興學教育全國的人才 三幾年後 文明進化 國富兵強 我們大家可都好享太平幸福了 你說印花稅重要不重要 該辦不該辦呢 況且你們自家也都有莫大的好處 你看那從前各樣文契賬簿 常有因私造僞 糾纏成訟的 及至到官 又此爭彼狡 真假難辨 甚且受累受屈的不少 若貼了印花票 就有真憑確據了 根底可查 就沒那些個弊病了 此後一切契據 賬簿憑摺 憑票合同 單據 攬票保單 當票匯票 期票等項 以及分產的分書 承嗣的繼單 你們都要查明稅則 於受授使用前 責成立字人遵章貼用印花 蓋章畫押 纔能作爲合例的憑證 將來遇有訟案牽涉 全憑印花票作準 貼過印花票的 官爲理追 不貼印花票的 或貼不足數的 按照章程 就要三十倍五十倍一百倍的議罰 可見若不遵章貼用印花 無論何項紙據 不足爲憑 呈驗到官概不准理 那時你們真就吃虧了 大家都要想

想 切莫因小失大呀 若是把貼過的票 揭下來再貼希圖弊混 照章還要二百倍議罰呢 至於偽造或改造印花票 就照私鑄制錢照例從嚴懲辦 你們務要奉公守法 切莫錯了主意 自蹈罪戾 這些勸諭你們的話 都是苦口良言 願你們大家細細的玩味這個道理 明白這個關係 人人有國家思想 盡納稅義務 這纔是 皇上的好百姓 立憲國的好國民呢 切切特示

電報錄要

倫敦電○俄首相司徒利賓伯爵諭令法院對於審訊重案時必須格外謹慎以免草菅人命所有科以死刑者必實係罪大惡極之人聞俄國輿論甚為歡悅謂以後死刑當可減少云

又電○英政府現已宣布將前駐印度陸軍統帥吉青納爾氏加陸軍元帥銜

又電○法國陸軍於西九月十五號舉行大操時有飛艇一艘在空中飛行兩小時共行六十英里升起三千三百尺旋轉頗能自如在軍中傳遞消息亦甚靈便

紐約電○美總統戴夫德氏現在遊歷太平洋沿岸等處并擬順道往阿拉司喀地方(美屬在坎拿大西北與俄屬西北利亞相近)

又電○美國鐵路大資本家哈利曼氏逝世現美國公舉勞威德氏為南太平洋輪船公司總理以承哈氏之乏

東京電○日本西島中將日昨覲見日皇時將在韓所辦軍事詳細陳明

又電○日本新簡駐間島總領事永瀧氏定於西十月中旬赴任

新政紀聞

政治

會議廳議事規則○督署設立會議廳及所訂章程已登前報茲又擬定議事規則十一條照錄如下 一會議日期時刻及與議人員由本廳預請 督憲示定即行遵照通知 二會議前三日由與議人員送遞提議意見書於本廳轉呈 督憲披閱 三會議前二日本廳將 督憲交議事件鈔錄交議簿將提議意見書鈔錄提議簿並各插刊由單 四會議前一日與議人員隨意到廳傳觀提議交議各簿以資研究 五 督憲交議事件本

廳奉到後先行請示或歸通常會集議或另定日期集議 六 督憲交議事件如事關緊要不及先期錄簿傳觀者由本廳通知與議人員於開會前兩點鐘到廳研究 七 凡交議提議事件由議長宣布事由其提議事件並由提議人陳說意見後與議人員各抒所見如無反駁者即作為議決 八 凡交議提議事件如互有贊成反駁其多數贊成者即作為議決其多數反駁者即作為議駁 九 凡議決議駁理由均載議事錄呈候 督憲核奪施行 十 凡交議提議事件當日不能議畢者仍請 督憲示期續議 十一 本規則如有未盡事宜隨時增改呈請 督憲核定施行

開諮議局議員臨時會○直隸諮議局於九月召集議員開會案由 督憲行文通知在案聞諮議局籌辦處刻已訂期於本月十六日假李公祠為議場開臨時會以便順直議員諸君一體與議云

民 事

勒限各屬改良警務○東督錫清帥前曾札發警務通則一節茲聞清帥又札飭民政部轉飭所屬趕緊認真整頓勒限三月內一律改良辦法如再仍蹈前轍定即分別叅撤張司使奉飭後即嚴飭各屬遵照云

修理官道以工代賑○吉林民政司謝司使以此次水災查勘東路災區由江蜜峰東至蛟河止西南至猴兒石上下幾二百里所有官道盡行冲壞非大事興修不足以利進行擬即藉災民之力每人日給工賞三百粟米一升使之分段修補以工代賑聞業已稟准簡帥照辦云

錦府設立求言匭○奉天錦州府署堂吏差役現已裁革淨盡程普祥太守恐尚有官民隔閡之弊故於大堂設立木匭凡民間有事求伸者書詞投匭並自行書明到案日期並其住址以備傳喚其他匿名揭帖則不准投入是亦求通民隱之至意云

實 業

銅鐵工協贊會之演說○天津北洋勸業鐵工廠於初十日開銅鐵工出品協贊會情形略紀昨報茲將熙寶臣觀察演說一稿照錄如下 竊以國家之富強重在工藝工藝之發達重在提倡南洋第一次勸業會為工業發達之起點 端督憲首先提倡者勸業會雖創自南洋而南洋不能僅恃一省之物品赴會陳列遂可達勸業會之

目的必合羣策羣力聚中國百工聰明才力事事物物粹於一隅藉資比較此各省所以有出品協贊會之名目也 督憲爲創辦南洋勸業會之先河移節北洋又爲出品協贊會領袖具熱心於勸業會一舉不言可知直隸出品協贊會之成立 督憲前已蒞會演說行開會典禮工商諸君想已見聞毋待鄙人贅述也夫勸業會宗旨對外而言在聳動外人之觀聽消弭激烈之兵端對內而言在催促一國工藝之進步發達個人之事業何以言之普法戰後歐洲各國對外方法變爲和平主義注意工商無形之戰爭英之滅印度日之併高麗初何嘗傷一卒開一砲哉工商戰耳此次勸業會使我國工業果能振興與歐美並駕則各國對於我國之態度必尊之敬之而不敢藐視焉旣不敢藐視卽不能輕啓戰端此南洋勸業會爲消弭爭端之善法也我國工藝向由於自安固陋啓迪無人此次勸業會粹各省工界諸君之聰明心思得以考查某也製品精緻某也製品粗劣其精者愈求精粗者可改良以進於精並可考查一國人民之所好而助長事業則一國工藝斷無有不日新月異而人民生活計亦未有不自此發達也勸業會宗旨關係於一國如此重大關係於吾人如此密切則吾人對此勸業會其踴躍競爭又當何如也直隸爲京師門戶出品協會旣已成立將來赴會物品珍奇羅列推陳出新亦意中事惟百工之中工實居一大部直隸鐵工尙在幼稚欲求發達必先由觀摩比較有比較然後有競爭有競爭然後有進步近年直省人士於鐵工注意者多工界諸君於鐵工有思想者尤不乏人果能携品赴會增長智識則鐵工發達可操左券西人有言曰煤鐵爲立國本源證之二十世紀誠不誣也惟直隸習慣或以畏出遠門而不肯赴會或以經濟困難而不能赴會將來坐失此機鄙人不能不爲諸君惜也敝廠旣係官辦性質對於出品協贊會固應提倡對於銅鐵工出品協贊會尤應盡力提倡今日辱邀諸君卽爲銅鐵工協贊會成立之一日幸蒙諸君熱心公益惠然肯來鄙人尤爲慶幸鄙人於鐵工學問素未練習鐵工協贊會本難勝任惟忝膺鐵工責任提倡二字責無旁貸此後協會成立遇有出品進行之事務望隨時賜教以匡不逮將來賽會歸來果我銅鐵工得有金獎牌銀獎牌者則不負此會之盛舉直謂此會爲鐵工發達之基礎亦無不可願諸君勿畏難苟安勿坐失機遇庶幾上之仰副 朝廷年來慎重實業之至意 大帥提倡一片之苦心下之擴充個人之事業挽回中國之利權鄙人有厚望焉謹擬鐵工協贊會簡章數條(已錄昨報)願諸君進而教之不勝盼禱之至

第十八節 科員權限 文案股草議本科應辦公文稿件章程規則並審核各學堂經費表冊兼任清理財政事

宜庶務股審核本所出入款日報銷核算各屬教育經費及營造建築事宜

第十九節 統計處分正委副委設正委一人副委三人

第二十節 正委權限 主核定本處各項統計表冊

第二十一節 副委權限 主編纂本處各項統計表冊

以上各節均係查照定章酌量繁簡暫行裁併支配應俟專門實業等科漸次發達再行遵章規定完全辦法
理合登明

河南全省商事裁判所章程

一本所專爲代追豫省商賈積欠而設不管理地方別事並不代追民欠以示界限

一本所傳審欠戶必須商會總協理或董事三人公請傳案始由裁判員簽票派役協同地保往傳秉公訊辦不得

率意傳審致滋拖累

一欠項在本省者由局逕札各該地方官就近訊辦如三月不結再行札催經年不結者由局援引部案詳請撤參

俾資考覈

一欠項數在三萬兩以外者先將經手賬項之人交地方官收管如係外省一面詳請撫憲咨明欠戶原籍札行地

方官查拏倘數在五萬兩以外先請電咨原籍查封家產以備列抵俾欠款者知所警戒倒塌日少

一商業欠戶究非無賴流民可比裁判所傳審後如抗不遵斷必須交地方官管押者應分列三等一等等者由商董

保出責令住各商業公所不准擅自回家二等等者發交開封府人證公所管束其收放仍歸裁判員專司三等等者

即交地方官管押以憑限追似此分別辦理既免羈苦又有限制似較嚴切

一民間詞訟列入月報功過甚嚴商務案件漫無稽核未免向隅請自設立商事裁判所後分別自理外結兩門以

裁判員審結者爲自理行外州縣傳究者爲外結年終彙造已結未結四柱清冊報撫憲查考如一年內能結由

同行查之案十起者詳請記功二十起以上者另行專案詳請酌委優缺以示獎勵而資鼓舞

一近年各商號每遇倒賬即雇無業洋商教民賄買照會各國領事官僅憑一面之詞即照會查追亦非持平辦法

擬由裁判員隨時與各商董認真稽查如真係與洋商往來者經裁判員查明即由局咨會交涉局照約辦理倘係假借洋商欺瞞地方者由裁判員查明後稟局咨會交涉局轉行照會將原案撤銷先將欠項代追清款再予

以冒用洋商牌號之罪似此分別真偽辦案既有定權交涉亦少假借實正本清源之一端

一擬辦各條試辦後如有窒碍應增減隨時由局稟請更革總以維持商業俯順商情為率餘均遵照商律辦理

吉林諮議局議案預備會簡章

第一節 宗旨及名稱
第一條 本會以增進人民政治上知識調查本省政治上利弊研究關於諮議局一切議案供議員之取材為諮

議局之補助機關為宗旨定名吉林諮議局議案預備會

第二節 範圍

第二條 本會調查研究之範圍以關於諮議局議案為主凡行政官權限及私人事件皆不得干涉

第三節 立案

第三條 本會呈明督撫憲立案

第四節 組織

第四條 本會組織分調查編輯講演三部部員由會員中自行認定(調查編輯講演三部規則附後)

第五節 會員

第五條 本會由紳商學界發起凡係本省人合諮議局章程第三四兩條資格而無第六條情事之一且贊成本

會宗旨者皆得為本會會員將來諮議局各屬當選議員到省後亦均為本會會員

第六節 職員及責任

第六條 本會暫設總幹事一人總核本會一切事務副幹事二人襄助總幹事總核本會一切事務書記二人擔

任本會往來文牘調查編輯講演三部每部長一人主任本部一切事務庶務員二人擔任本會庶務會計員二

人掌理本會會計

傷風貽患

天津逆旅主人自述可畏之經歷嘗遺書致謝韋廉士大醫生紅色補丸其使重作康健有力之人焉
 傷風一症最易釀成危疾即如天津法租界佛照樓綫主王君恩普者明證其所經歷而作保證書如左云○半年前余身素康健無異常人偶因感冒風寒初起於胸際曾服各藥罔見效驗病勢日甚一日繼至咯血每晨興時咳



嗽不止必越數分鐘之久痛極難堪迨勢過後殊覺氣喘乏力未幾甚輒弱衰頹異常
 余爲一棧之主辦事殊費氣力誠恐應酬不週後失仕商賜顧所以遍覓良方亟思醫
 治無奈嘗試各種丹藥非惟無益抑且加重後至睡眠床榻計三禮拜有餘勢日沉重
 咳嗽頻加咯血多次幾失全愈之望一日偶閱天津法租界衛生大藥房取購
 一瓶依法服食幾乎頓覺痊愈咳嗽亦減故耐心入服氣力日增直至十分全愈而後
 已今者咳嗽斷絕咯血亦止體健勝於疇昔雖年屆五十而有五而精神更形充足矣余
 深信韋廉士大醫生紅色補丸有生長新力之奇功確知余病實爲紅色補丸所治愈
 甚願將余所言實情探登報牘以告世之同病者○韋廉士大醫生紅色補丸醫治王
 君恩普之症即使其血鮮紅稠濃俾軀弱之軀得生新力以勝其驚恐致命之肺疾也
 是丸常以此法由血中經過使其身體康健復原曾經醫治數千萬人所患之症即如
 血虧惡症 諸虛百損 少年虧喪 陽萎不舉 胃不消化 肝經各病 瘡疥疔疹
 頭暈 山林瘴氣 瘋淫骨痛 腎骨痠痛 左癱右換 腳氣衝心 瘡疥疔疹

皮膚諸症 以及婦科各症 月經不調 氣鬱不舒等症是也 韋廉士大醫生紅色補丸中國各處商店經售
 西藥之處均有代售或直向上海九江路○字第八號 韋廉士大醫生藥局總發行處購買亦可 價銀每六瓶大
 洋八元每一瓶大洋一元五角 遠近郵費一律不取

上海九江路 B 字第八號 韋廉士大醫生藥局啟

縱覽會

本月二十日至二十六日本場開第四次縱覽會前四日男客入覽後三日女客入
 覽每日由上午十二鐘至下午六鐘無論官紳士庶均可進場游觀藉開風氣不取
 分文 天津河北密窪實習工場謹白

本局印售各種書籍圖畫目錄

- 澄衷學堂字課圖說
- 天文歌略
- 地球歌略
- 小學韻語
- 蒙養學堂百課
- 最新初等小學國文教科書
- 初等中國歷史教科書
- 心算初學
- 最新初等小學算術教科書
- 初等小學算術科書教授法
- 忠經
- 英文學隅
- 東文典問答
- 地文學問答
- 皇朝政治學問答增校初二編
- 節本泰西新史攬要
- 筆算教科書
- 數學上編
- 普通新智識課本
- 中等植物教科書
- 中學礦物教科書
- 高等小學博物教科書
- 生理衛生學
- 化學教科書
- 中學地理中國誌

- 八本洋二元
- 一本洋三分
- 一本洋一角五分
- 二本洋二角五分
- 一本洋一角五分
- 一本洋四分
- 二本洋三角二分
- 二本洋一元
- 二本洋紙洋五角
- 二册洋三角六分
- 合售洋三角六分
- 一本洋紙洋五分
- 一本洋二角
- 二本洋二角五分
- 一本洋二角
- 二本洋五角
- 二本洋紙洋四角五分
- 二本洋紙洋三角五分
- 二本洋紙洋四角
- 二本洋一元二角
- 二本洋四角
- 二本洋紙洋七角五分
- 一本洋四角
- 二本洋二角五分
- 一本洋紙洋四角五分
- 一本洋紙洋三角五分
- 一本洋紙洋一角五分
- 四本洋六角

- 植物學教科書
- 皇朝政典學要
- 萬國憲法比較一本
- 法學通論
- 萬國通商史
- 新爾雅
- 康熙總暇格物編
- 周禮政要
- 明夷待訪錄
- 普通教科書目提要
- 科學書目提要初編
- 心算教授法
- 萬國公法提要
- 甲辰學報彙編一百種
- 乙巳學報彙編
- 丙午學報彙編
- 全年學報彙編
- 農學新書三十五種
- 日本栽桑捷法
- 美國養雞法
- 農務述聞
- 畿輔輿地全圖
- 御製耕織圖
- 朝鮮輿地全圖
- 地球開闢次序圖
- 平頂地球圖
- 東三省鐵路全圖

- 一本洋紙洋二角五分
- 四本洋五角
- 一本洋紙洋三角五分
- 一本洋七角
- 一本洋二角
- 二本洋三角五分
- 二本洋四角
- 二本洋六角
- 一本洋二角
- 一本洋五分
- 一本洋一角五分
- 一本洋紙洋三角五分
- 四本洋一元
- 五十本洋二元七角
- 四十本洋四元二角
- 廿四本洋四元八角
- 卅二本洋五元六角
- 一本洋一角二分
- 一本洋四角
- 一本洋三角六分
- 六扇屏洋二元
- 二册洋五角
- 一册洋一元
- 三十二張洋一元
- 一張洋八角

新 啟
告廣司公限有灰洋



啟者本公司係承受唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北平奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不誤期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

利 洋

本行開設天津上海香港志呢華海參歲等處均設立有年諸班貨物由外洋本機器廠自造磁鑲洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑽珠寶鑽石戒指留耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也 本行主人啟

瑞林祥元記
綢緞洋貨莊

本號開設北京前門外鮮魚口天津估依街中間路北山東濟南府院西路路北自置綢緞紗羅顧繡粧蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣被套口袋線毯毛毯零賣均照行價發兌中外 紳商賜顧移玉是幸 瑞林祥元記具

武 齋 洋 行

本行開設天津 於茲二十餘年 自運各種洋貨 絨紗布匹綢緞 鑲化屏風鏡類 鐵銅料器磁器 奇巧美術玩器 學界文房用品 旅行携帶等件 精工鑲身物料 定鑲各色彫飾 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

商務印書館出版各書上海總發行所 分館 發售

欽定大清會典事例全書 版式大小謹遵 商務印書館恭印

會典 會典圖 進呈原本

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版願海內宏達深以未見原書為憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四冊分裝八十二函計會典六函事例六十四函圖志函○一定額二百部售完不再印○一定價規銀四百兩預約者減為二百五十兩○一預約以本年九月底為限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今今年止凡二十五期 其初羌無故事朝野皆奉一憲政為準繩為國 為民政府與議員各盡其道中間財政之抗爭

法律之改訂或以爭執為改錯或以和衷為救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四冊定價一元五角茲因諮議局不日開辦趕將前二冊先行出版後二冊七月 出版預定者實價一元收到書價後即交前二冊並付收條俟後二冊出版時憑條取書特此預告外埠郵 費照加

天津分館開設 河北大胡同 電話五百二十六號

天津商務印書館新書出版

勸賑 賑 賑 災 啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會霖礪伯及各土司又先後報災邊地高寒水泉素乏童山彌望生植不饒一遇旱乾即成凶祲現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛亂逃糧價日增麥已漲至每石三十六七兩稻草已漲至每斤二十七八文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督臣奏上 朝廷曾撥帑金六萬散諸災區勢難徧給非再有巨款接濟何能救此哀鴻夫天災流行國家代有救災恤患義不容辭况甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民為甘民計未嘗非為全局計也現上海諸公已發起助賑會無非出於愛國愛民之苦心 同人復敢為甘民請命敬懇 仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店
天津獅子林北洋官報總局

京奉路局招考生日期提前廣告

本局前擬於八月十七日考試現奉 郵傳部電開准於八月十二日考試筆算代數十三日考試英文譯漢漢文譯英十七日考試口授英文講義筆述英文論說十九日考試中國奧地國文論說除中國奧地國論說外概用英文考試如各生精於法德文代英文者試後仍令具願書補習英文送京每門各試兩點鐘等因奉此遵即改准於八月十二日考試仰各生一體遵照特佈

京奉路局再告

本局定准十二等日於河北勸業會場學會處考試是日早七點半鐘點名八點至十點鐘頭場十點至十二點鐘二場此佈

本局廣告

本局承辦印刷研究
精良近益不惜重資
延聘外洋著名工師
添購新式機器精製
雕刻銅版所有承印
各種紙幣股票等件
圖畫精巧色澤鮮明
紙質堅緻屢蒙中外
外官商照顧頗加獎
譽茲為推廣招徠起
見自本年承印各
項價目格外減讓以
副官商雅意如蒙
賜顧請至本局眼
房面議可也

直隸諮議局議案預備會廣徵同人 意見書公啟

吾省諮議局會期在即該局之權限及應議事件之範圍皆須根據於諸
議同章程不待言矣惟將一省大政組織一純全之議決機關以討論其
可否而監督行政官法外又皆吾國之各異本屆會期議案使不預行
既無慣例之可稽取法外人又皆情形之難望有成現在津諸同人
籌備直隸諮議局議案預備會已公擬簡章設調查員若干人編輯員若
創辦直隸諮議局議案預備會已公擬簡章設調查員若干人編輯員若
干各就所知提議若干條着手預備然一省應議事項至極廣汎說經
濟則如實業何由振興荒蕪何由開墾論財政則如租稅何由清理公債
何由募集關於立法則如興辦一事必慎定規則以固其基改革一事必
詳立章程以善其後關於行政則如到處皆是之局所差委若何浮濫久
經辦理之警務教育有無進步其他如各地地方之庶政諸官廳之積弊尤
如亂絲紛無頭緒非有專門學識及實地經驗之才斷難奏效伏望熱心
時政之同人贊助本會發表政見以期得完全之議案而為吾省諮議局
成立之先聲庶不致臨時債事貽誤無窮不勝盼望之至
直隸諮議局案預備會在津同人公啟
再對於本會之意見書至八月三十日截止信函所寄本會事務所（本
會務所在天津河北三條石自治研究總所內）

順直諮議局議員諸君注意

督憲招集諮議局議員於八月十六日開臨時會札飭本處預備一切現
已借定李公祠為議場吳楚公所為辦事處八月十六日下午一句鐘開
會望議員諸君到津時先赴本處報到是為至盼
諮議局籌辦處啟